

御制詩二集

第三
五

御製詩二集卷之十三

古今體詩八十三首 乙丑五

季夏朔日作

林鍾應律轉溫風
溽暑初凝氣蘊隆
禾黍淳然慰農願
雨暘時若兆年豐
御園高敞標諸勝
街市炎蒸軫寸衷
胞與殷懷求隱瘼
屢綏直省祝

蒼穹

各直省雨暘早晚時地不齊耕穫苗畝

俱關民事之要所賴

昊慈垂庇俾

率土偏隅咸獲豐穰茲屆林鍾開朔夜雨霏

甘清風送霽撫時序之遷移心農功之力作

默籲誠求無時
敢釋於衷也

綺春園三十景

依上下平韻

敷春堂

春冠

去聲

四時董歲功敷宣善政厯深衷高堂

題額堂開北佳境拈吟境闢東松茂竹苞屏
畫相儉崇奢黜去雕櫳卑宮勅政法先聖攸
芋符占叶棟隆

鑑德書屋

臨民圖治願時雍正已修身士庶從鑑古克

明循二典知依寅畏法三宗紹言勉繼心無
逸建極勵精德有容書屋題楣勤內省豈因
遊豫忽嚴恭

翠合軒

綠蔭濃敷欣晝靜坐忘塵慮道心降扶疎旭
印層層檻颯爽風來面面窗曲閣花香繞几
馥芳池魚影躍波淙合成翠幄舒吟眺雁齒
迴欄放小艤

凌虛閣

室中小閣接簷楣怡志凌虛俯衆卑翠挹琅
玕鋪曲徑碧浮荇藻漾清池遙含林影分佳
蔭低鑑波光疊錦漪爽氣招延消溽暑天濤
謾謾下喬枝

協性齋

培養天和理萬幾觀民鑑我勉知微芸編玩
味先言守載籍探尋古聖希性海圓明無障
礙心田充實有光輝協時化俗遵王路克已
力勤式九圍

澄光榭

臨池敞榭景清舒
雲影天光妙集虛
逸韻搖風來綠籜
芳姿出水立紅蕖
靜聆覓友巡簷雀
乍見浮波在藻魚
坐覺新涼滿欄檻
無邊爽氣襲衣裾

問月樓

冰輪萬古麗天衢
圓缺陰晴景各殊
若使清光常遍滿
自然昏夜不模糊
如恆漫擬銀蟾窟
有象爭攀仙桂株
憑檻拈題舒逸興
豈同

詩客勸提壺

我見室

東壁披圖室額題本來面目露端倪畫中模
範欣堪肖鏡裏形神喜可稽我卽伊兮伊卽
我迷由悟也悟由迷坐看奚必論真幻眼識
相忘與物齊

蔚藻堂

觀乎人文化天下蔚成華藻暢吟懷山光水
色真有真趣鳥語花香樂靜佳言志孚情六義

備拈題詠物四聲諧幾餘遣興非饒舌豈慕
詞壇李杜儕

藹芳圃

遍植羣芳老圃開和風吹萬茁陳荻揚蕤四
照芬菲徹敷潤三春雨露培漸覺穠華紛衆
卉欣看清蔭布高槐應時品彙舒生意延賞
何須羯鼓催

鏡綠亭

方亭據勝建溪濱錦水淪漣清絕塵細穀含

風搖綠藻虛奩映日躍金鱗小洲曲折通前
岸淺浪迴旋達遠津又見朱華冒芳渚午颺
徐送淨香頻

淙玉軒

迴廊相接軒中起平跨芳溪內外分薄縠翻
波流活活清音淙玉轉沄沄低含柳蔭拖長
縷虛挹荷香漾錦紋憑檻觀瀾心靜契真空
性水不聞聞

舒卉軒

披拂春風廿四番千葩萬卉綻芳園嬌姿盡
繞連廊砌艷質偏宜近水軒濯雨烘晴綢顏
色舒苞落瓣覺紛煩應知古朴常留馥松竹
能餘冰雪痕

竹林院

竹林深處現經壇大士如如具妙觀五蘊全
空除色相一塵不染舞檀欒慈雲徧蔭蓮臺
聳甘露敷施法界寬願濟迷津登寶筏化行
震旦兆民歡

夕霏榭

夕宇霏霞景可攀，斜陽絢彩滿西山。
楓屏耀錦紅千片，蓼岸澄波綠一灣。
葉舞沙汀翻燦爛，泉淙石澗瀉潺湲。
偶來虛榭探佳致，陶句清新寄興閒。

清夏齋

鳳麟洲址苑西偏，新建書齋意別延。
基荷皇清任誠重心懷，中夏治難宣林泉勝境樂徐。
企暑雨民勞憂每先，乘暇停舟步欄曲漫耽。

遊覽念仔肩

鏡虹館

芳塘右轉度虹橋白石磯頭暫繫橈花艷疎
離紅幾簇柳張密幄綠千條鏡輝皎潔澄前
浦霞彩嫋嫋逗迴霄到此怡然詠新句清涼
妙境暑全消

喜雨山房

九霄甘澤敷周甸解作休徵叶易爻有象神
膏浹阡陌無邊喜色遍衡茅含青麥隴抽新

穎染綠柳蹊拓嫩梢坐愛山房景滋洽烟光
羃歷織堂坳

含光樓

舊名聯輝樓爲十一兄住居

聯輝昔日雁行聚鴻影翩翩雲路高柳下分
棚同較射花間覓句共揮毫清談猶憶憑朱
檻嘉樹還看蔭碧皋偶憩棠陰懷舊雨綠楊
溪畔放輕舠

涵秋館

春生夏長

上聲

秋成熟曠覽甫田稼穡多別館

初開闢堂隩卷阿新構始遊歌
沈寥佳日層霄迴澄澈雲衢灝
景和浦淨林疎境高朗霞翻雁
影遠峯過

華滋庭

甘澤及時遍滋沃中庭花木盡
敷華蕭森映旭鋪高幄燦爛翻
風簇錦霞遠浦芳菲朱萼漾閒
階茂密綠陰遮尋幽試泛輕舟
去遊衍清溪似若耶

苔香室

書室幽閒蔭綠楊前溪解纜步迴廊烟開荷
沼盈庭馥雨過苔階滿室香境靜隨時觀物
理心清遇事自安詳勤民勅政衷無逸遣興
來遊趁晝長

虛明境

虛庭閔敞印空明心鏡圓澄內照清霞影微
茫連雁影泉聲戛擊雜松聲階前新菊黃英
燦浦裏殘荷翠蓋擎最愛秋光懸皎旭輝騰
高宇倍晶瑩

含淳堂

答陽納景豁平垞挹爽高堂對碧汀層疊石
峯開牖見清泠泉磴隔林聽菊芬繞座探幽
秀鴻影橫霞入窈冥寫額含淳政難格閭閻
猶未見盈寧

春澤齋

春字溟濛雲氣昇一犁甘澤應休徵敷膏有
象繁滋洽潤物無聲薄霧凝旣足四郊沛若
遍欣看二麥淳然興齋前茂對符楹額林霽

波烟虛檻憑

水心榭

曲折迴廊四面周
水心虛榭景全收
立汀白鷺浪花濺
穿藻金鱗波影浮
林幄敷陰風颯
爽泉琴夏響韻清
幽霞光倒印澄潭
底嵐黛蒼茫落遠
洲

四宜書屋

平臯書屋廼清賞
遊興政閒足愜心
春夏秋冬無暇豫
山溪泉石偶探尋
綠波幾曲澄輝